

山西府縣志輯

中國地方志集成

乾隆新修曲沃縣志

乾隆續修曲沃縣志



中國地方志集成

山西府縣志輯 ④8

乾隆新修曲沃縣志

乾隆續修曲沃縣志

鳳凰出版社 ● 上海書店 ● 巴蜀書社

新修曲沃縣志序

乾隆戊寅仲春

丁巳進士河東觀察喬光烈

國僑以博物擅詞令兒寬用經術澤吏事然則通儒醇雅當其政之觀成借史筆以斧藻其邑乘亦古製錦名疆者所特重哉然著作之才燦然可觀尤使言典事核扶箋注之疑豁耳目之滯如咸池烈景羣幽旁照而後迺可駕往詰牒後傳垂為不刊之典籍張君衡湘名宿雕葉鏤冰與古作者侔乾隆甲戌自天城移卒曲沃未數月訟希團絲歌來醇酒幾埒於傳山陰顧建康之治余奉

天子命持節兩河間久重其最績歎為屬邑冠每商政事則源源本本益令前席傾倒沃人苦蒙城侯馬之兩驛也余與之均其役歲丁丑夏移蒙城還歸太平史村士民踴躍請修志以紀其盛事君則苦為秉筆詢其故謂修他志易修沃志難他邑無據因仍前乘續刻而弁之以序耳沃則古為霸國前有經書左國史漢班班可考顯與相戾考訂之謂何創始而更

新修曲沃縣志

序

一

新則怠於政事况唐宋無傳本中明草創於劉令萬歷趙令變為沃史百年凡五修之康熙丙戌潘令以縣志不宜稱史復修為志雖止五十餘年而疑仍不辨文仍不備倘因陋就簡修猶不修報於受梓也余時勉以學者當為其難矧責有毋庸辭者哉今年春志稿成余量移天津矣君因咨言於余余惟揚子雲有言斷木為棋梳革為鞠皆有法度况以志百里者稽考詠詢建置沿革宜其慎也然墨守成法往往為故籍所愚今見撰述之次曲沃新田確詳遺址絳山沃水研究源流俾千年塵跡如日中天又採石經雕史以廣文苑搜異見奇聞以光詞林四十卷中皆發前賢所未發者夫自有沃縣以來昔之令不知凡幾百輩也而誰問其根柢今舉君之辨證數大端足以鐫貞珉而芳竹素度越前徽遠甚書其積非特沃人吟焉歌焉社焉稷焉即列諸統通志殆有煒其光者歟且按之義例精覈糠粃釐除不俚不濫無雜無支事廣

於先文美於昔誰不稱之為信史哉抑余又思焉文章與政

治原不相妨觀北戶交南之志皆作於從宦惟人之才學敏練淵博有不同是以不待掣其肘而兢競簿書日慮不給者蓋不少君今出其有餘優而為之以視古之君子不後先媲美乎採風者披其志土地之行與財賦可稽關隘之扼塞山谷可數治化之淳和民俗可知人物之蒸蔚教澤可見實沉之墟參伐之野儼然留先晉之餘烈外史書之非君之業而奚屬昔余官關中則愛康氏武功志今官河東則愛張氏曲沃志皆以綜核有法度也王阮亭謂武功物料奏手得蘇蕙迴文詩有光於編首今君得古邑而纂輯之光以詩禮春秋左國馬班言典事核精確不磨以視迴文詩之相去為何如也君之才名甲當世必有讀此志而寶貴之者然則睥睨一邑沃之人固有幸矣豈知良牧之當

聖朝華實兼被蓋僅僅乎見之能弗深慶乎哉是為序

新修曲沃縣志

序

二

新修曲沃縣志序

乾隆甲戌仲夏 縣令張坊相

曲沃在西周時晉成侯自晉徙都焉五世侯封地昭侯以封叔父成師爲沃國其後併晉遷于絳春秋時爲晉宗邑也獻公使太子申生居曲沃又爲之城曰新城傳至景公十五年遷于新田復命新田爲絳以絳爲故絳實晉成公六年也自是終晉之世皆居新田云漢志聞喜故曲沃武帝更名絳晉自曲沃徙此絳水出西南續漢志晉志並同其時未有曲沃也北魏始有曲沃與聞喜絳並立析絳之新田置也自隋以來皆因魏是故今之聞喜古曲沃也今之曲沃古新田也舊說相沿如此吾友湘潭張君和五好讀書攻詩歌古文辭爲令其地政聲甚茂出其餘力輯縣志四十卷獨駁去舊說以爲古曲沃不當逾絳山汾澮以南且武帝紀謂帝至左邑桐鄉聞南越破以爲聞喜縣蓋左邑南鄰曲沃境故地志遂指聞喜爲曲沃耳反覆考之當以今縣治西南數里之故城爲

新修曲沃縣志

序

一

古曲沃而今縣治內有晉世子墓當爲申生所居之新城其新田則今縣治西三十里侯馬鎮土人猶以新田呼之當汾澮之交正與韓獻子言新田有汾澮以流惡者相合君之說援古証今博辨無碍聞者雖疑且駭君不爲奪予方繫官京師惜未暇從君眺覽登陟於其間據所目覩質諸傳記以驗君說之精也君之在曲沃於今六年矣方以課最入覲來京師以君之久於其職與其士民甚親而又能勤於吏事也與之語於其一邑之利弊因革罔不條舉縷縷然然則君洵可謂克稱厥職而援古証今考正傳紀之訛謬此蓋君之末耳乃予於此益以見欲爲循吏者非通儒不可也爰序其書而歸之

新修曲沃縣志序

乾隆戊寅 縣令張坊相

宜輿儲六雅先生修山西通志成書坊時在京邸遊太僕師門受而閱之立論有典則而辨證一志剖疑摘要見未曾有至散見各邑若彼此相抵牾先生則并兩說存之因就正請益謂修省志徵之縣志也辨其大綱耳餘則三晉廣矣勢不能如盧敖之窮遊穆滿之徧歷身親目擊真知確見握管時能以此邦文獻而臆斷其有無可乎解人知之矣坊時爲之心折夫志以昭信亦以醒疑民牧者爲人師長將以醒羣疑也必足之所履目之所經能指畫其山川都邑形勢建置胸有成竹而後迺可醒羣疑而千古因仍沿革之說亦不致任人秉筆恣憑而罕所抉摘曲沃屏鄆太行襟帶汾澮稱平絳劇縣舊矣風俗之儉樸財貨之衍奧冠紳文藻之彬雅都蔚自明迄今來令茲邑者先後皆纂錄如周書鄭志史胥藏之用昭一邑大槩矣蓋志乘之修廢與政治之張弛實相爲表

新修曲沃縣志

序

一

裏今去雍邱趙君修沃史時百五十八年卽崇安潘君修縣志亦五十有二年稽之外史掌邦國之志每歲詔登相去入遠則編其戶籍之登耗上其生齒之繁寡酌其徭役之勞逸經其渠堰之蓄洩踵前人功鑒然使不磨余也何敢多讓顧志以垂信而剖疑余來沃凡沃所當爲不惜謏劣每舉而正之然三年中所疑而莫釋者獨曲沃新田之故墟恒軫輓而不能申其辨嘗考之先儒注疏前代著述皆稱古曲沃在聞喜新田在今曲沃坊以形勢推度山川區畫古曲沃不當逾絳山汾澮以南新田豈宜仍遷沃城爲一地卽兩邑之聞人如二李者互載辯證然皆無地以處新田此千古以曲沃爲疑案相沿而不改熒惑將終古焉會歲丁丑邑人以移驛之舉欣然請重修縣志余乃以平昔所問學參之三十年之閱歷遠稽近徵彰明較著指侯馬爲新田古城爲曲沃今治爲新城陳書質之繪圖考之作徵辨之徧質諸士夫英豪怡然

渙然水解心服乃知尙論當具隻眼立說需有確據臆斷者何能操邑乘之觚未嘗不往復六雅先生之言之有旨也坊惟曲沃新田在成周爲封國及隸平絳稱雄望古籍昭然煌煌乎大邦也哉乃不採經傳不辨故址不核名義非地負人實人負地讀書稽古之謂何然饒於古而畧於治將人民社稷豈能以不治治之耶故華藻之以文章根據之以事跡尤舉治化所切要者而書之然後羣知趨向斯三千年之名區勝地不淪於蔓草荒烟億萬載之學士文人皆自明於光天化日之下矣古者輶軒採風其典雖廢稽雍正七年

詔各省修通志以備一統志之採擇今卷帙哀然凡郡邑之所撰輯皆若金鑑南車而坊也遭逢

明聖分符古邑職宜以文章報稱備內外史考而潤色休明黼黻皇猷顧敢稍自暇逸不力爲考信以昭示吾民而剖厥疑於來許也耶

新修曲沃縣志

序

二

舊志劉序嘉靖三十年辛亥 邑侯劉魯生思縣

曲沃舊無志刻嘉靖戊申九月予承乏是邑纔踰月巡撫舜澤蘇公移文來取縣志予實不文且初任未暇也因謀諸耆舊得邑之英毅軒李子裴莊仇子近泉許子禮請以董其事兩月而集成予公暇披閱三覆見風土之美山川之秀賦役戶口之繁物產之衆官師人物之賢文章著述之雅甲於他郡適作而嘆曰沃古封國也肇自三代大盛於春秋至今猶爲河東劇邑而無志焉斯不謂之缺典乎廢而不舉有司責也將欲以三子之所成者壽之於梨又思今郡縣志卽古列國之史所以彰往察來別淑慝昭勸懲也非可易易言者必廣詢博採而後無遺蹟循名責實而後無訛傳義正詞確而後無贅語類序倫分而後無亂章故其載欲悉其事欲核其書欲直否則疎也戾也支且舛也志雖作不如其已此古文韋之士操觚染翰千言可立就至槩之以史則雖學博二西

新修曲沃縣志

舊序

一

體具三長而於一字之下未嘗不含毫闢筆遙其難而莫敢定顧予何人而敢當茲任哉遂寢其事因循幾二載毅軒子復來請曰邑志前此凡三作矣今皆隻字弗錄若再襲前愆恐九仞之功廢於一簣之未成寧不爲智者惜乎予因其言而諦思之金匱石室之藏與堯夫野人之記臧否不同其趣一也矧我國家疆理海內曲沃去畿壤僅千餘里其民物之被德澤人材之沐教化亦深且久矣則夫紀述治功贊揚盛美亦有司奉職之義也是以忘其謏劣取三子之錄間以已意繁冗者刪之失次者定之缺畧者補之事類之不係乎本縣無關於名教者削之總其綱則有八析其目四十有六平帙分爲上下二卷大率從三子之筆而補偏救弊之論毅軒子爲居多皆矢心秉公守正不阿據古今之跡考名實之副其求爲實錄以示存羊之意云爾若曰明軌憲章崇教樹風義足追古文可傳後繼成一邑之典又俟夫後之長於史才

者而予固非其人矣。

舊志李序 嘉靖三十年辛亥

李廉商 李廷寶 邑人

沃有手錄志。邑人張文聰氏家藏。凡二卷。不知其作者為誰。而傳自景泰正德之初。都憲退齋公修飾之。當時有司弗錄。諸梓而今乃亡之矣。嗣後侍御沸泉公修之。司訓周君錦集士子而又修之。生儒耿君禮又修之。凡三舉也。皆因上官所購。故有司敦請之以應一時之求事已而遂棄之。屢修屢廢。迄今無成書。嘉靖戊申。巡撫舜澤公集郡邑志以為通志。而復來取於沃。時泗泉公視衆之初。未暇修撰。乃屬其筆於裴莊仇子。近泉許子而濫及於寶焉。寶等承命。深以弗稱。是懼既而矢同心之公。肆日夜之力。披閱子史。參考舊乘。採掇衆長。竊附已意。歷兩月而藁成。然無詞贅說。寧無議於人哉。補偏救弊。崇雅黜浮。固吾泗泉公訂正之力也。公分為二帙。獻之於省。復出俸餘。壽之於梓。使數百年缺典。今為完書。其有

新修曲沃縣志

舊序

二

功於吾邑也大矣。其加惠後學也遠矣。

舊志許序 嘉靖三十年辛亥

李廉河 許遜 邑人

兩儀奠位。日月星辰麗於上。山河草木寄於下。志之理具矣。河出圖。洛出書。聖人則之。體國經野。以為民極。志之事詳焉。容成氏之所兼職。方氏之所掌。未之有易也。我明中興。倣古為治。上自天文。下及地理。中而人賢物阜。時序禮秩。罔不志焉。志也者。所以核名實。昭勸戒。彰往鑒。備采擇。以敷政治焉者也。今之郡縣。古之列國也。今之志。古之史也。俗風觀於斯。政治污隆具於斯。學校人文關於斯。賦役備於斯。疆域封守山川物產載於斯。故觀志者。可以知土地之宜。可以識時勢之趨。可以設教。可以崇化。可以通變。以宜民志之所係。豈其微哉。曲沃肇自成侯。赫奕於晉。霸圖數世。嗣是而後。生於斯者。未嘗無志。志其所知。而不能及於其所不知。宜於斯者。未嘗無志。志其所見。而不能及於其所不見。是以隨得隨失。若

存若亡。湮沒而不舉者。數百載。君子之至於斯。民風雖可傳。

污隆其何稽。河山雖可覽。文獻其何徵。甚哉志之不可已。猶政之不可無也。泗泉劉公尹我茲土。樹教維風。建極端軌。首以是志為問。可謂知大體矣。既而巡撫舜澤公。移檄來取。遂廣搜博。採以盡其能。循名考實。以覈其真。分門析類。以秩其序。崇雅黜浮。以正其義。綴遺備畧。以宏其規。使數百年未定之典。一旦而屹立。數百年已往之蹟。一覽而無遺。勸戒昭然。美惡俱具。是豈漫為已哉。徵事存乎學。立議存乎識。屬辭比。例存乎才。公博洽明練。識見卓越。政暇之餘。締章繪句。擣華敷英。固不苦著立之難。傳之四方。垂諸久遠。永宜為史氏之守。邇也躬沐德化。且辱命教。樂觀厥成。而止。前輩虛糜之費。又愧蠅附。不能贊珠玉之輝。煌瑜麗也。

沃史舊序 萬曆四十年壬子

解元進士 李尚思 邑人

新修曲沃縣志

舊序

三

甫下車。卽慨然前志。乃屬邑博王君曰。俞萃文學。閭生重光。梁生士毅。劉生靖國。因生貳卿等。分類編纂。語語皆由於初。名之曰沃史。而問序於余。昔者成周建國。各有專官。以職紀載。則為史臣。乃千與於千八百國中。僅舉晉乘楚檣。机以證魯史。春秋則知善史之良難。今之邑志。國史之遺意也。語有之士生人。人生事事。志志一出。而人畏志。乃懼事。是故董狐之筆。可信而徵。可懲而勸。侯之意實寄之沃史哉。沃自晉昭侯封桓叔。乃有今名。而繼世號多事。建新城之後。恭世子經於譖。然終晉世。猶遞有弑奪。而隨分於魏。終入於秦。為左邑。漢元鼎間。為聞喜。而建武又為絳。至後魏而復今名。名何以仍曲沃也。謂膏肓猶故耶。而侯則謂石田多而軍興重。民以賈而輕去。其鄉泰山發婦。不畏虎而畏政。其意欵欵在民矣。卽山川建置。方域物產。亦必宜氓隸之戀。若痼瘵之在身焉。見其表則重秩官。見其攷則重風俗。見其志則重人物。見

其傳則重構杌若曰凡為秩官者悉為民有者也。一不穀其謂民何民以習成釀為風俗人物先民之典型而構杌其攷鑒者也侯之評邑令有官即微人豈微官負人人負官之論言言斧鉞讀之凜凜則侯之入於民者可知是信史也人比之春秋而實沃侯之政記也或惜侯才賸三長乃不為史而為吏然人人循良而天下治人人操不律而民亦安所寄生死乎侯抱直突之慮而情見乎詞能為千古徵文獻又何吏之不為史也沃之史前無作者有之自雍邱趙侯始則其書不直可上追晉之乘哉

再修沃史序

進士兵部衛周印

古者天子巡狩以觀風太史陳詩以貢俗達志通欲中無釜鬻追後天高開遠風俗湮鬱民間美惡淳澆未由聞於天子之庭嗣大吏受王者命循行方國採習俗風謠以獻於殿陛由是天子有史郡國有志夫志者志也一邦之人有事於此

新修曲沃縣志

舊序

四

而悉志之一邦之宰有事於此而亦志之志之者何將以扶翼斯人於有裨助流教化於無窮斯作志者之志也沃為晉國巖邑自晉昭侯封桓叔曲沃始著延袤逼促壤地褊小其間山川風土人才名物每以積聚之厚挺秀傑之寄大抵人尚勤奮心存樸良實遷十之七耕讀十之三腰纏充盈棟鏤瘁苦伏案之子又且浩博而篤信是以繙閱沃志者不勝一隅三古之思焉今何如乎跳梁者揭竿而呼輕俠者游手以食肇牽車牛者出門何所之較量雨晴者罕滯有難問飽沃叩索者且苦青緇之零落而嗟黃鳥之罔棲嗟乎同視勤奮樸良相去亦什伯焉雖風會使然亦人心不逮古也遠甚編是志者雖曰志山川之勝槩可動保障之思志聖賢之芳規可奮景行之願志戶口之登耗賦役之繁簡可厘愛養之惠志士風之端邪民習之猥樸可施維挽之術志之關係重矣哉余獨以為追昔日之所事觀今日之所行山川仍故一切

戶口賦役士風民心有一不動採風者咨嗟嘆息乎今幸際李公政通人和百廢具興將謀所以續前未竟者有慎始和中公其克成厥終者耳後有觀風君子臚列善狀以登安在沃志不與國史同觀也

三修沃史序

河南陝西巡撫賈漢復

蓋數年而畢役藉手入告采采矢慎罔敢曲徇每有知罪之懼他日奉命入秦歸經里門見邑乘缺遺竊有志焉以

簡書夙駕未遑討論閱今又數年所邑侯朱君暨薦紳輩爰有繕修之舉役竣走函問序於余夫以九州而冀居其一三晉之中沃惟一同壘空大澤之喻似於微末而易理曩在萬歷壬子邑侯趙公以三長之管擢秀蘭微勒為全帙沃史稱焉少宰李先正序其崖畧差云備矣今嗣續而為之積之以五

新修曲沃縣志

舊序

五

十餘年缺遺散失之後欲以一邑觀全晉之運會其漏也闕疑而實固陋也其誣也搜奇而實無稽也其訛也庸則金根惑則豕亥也其穢也荒如草蕘濁如塗泥也不知其難而曲莽之與知其難而蕙畏之築舍焉聚訟焉一傳衆咻環攻正的斯則人有史禍之慮時鮮陽秋之準矣予惟皇清一統十五國英才輩出典籍苞符無不雲集敝邑雖小簡在而枚卜者

國初有兩公焉固叔向子華子之遘風亦地氣之盛也山互峙於東南汾曲抱於西北不但形家艷稱之靈淑攸萃實產賢豪明季以勝首捷者聯翩而三其他撫仕榮祿又不可以更僕說者以為人地交相為重自成師申生而下曲沃之名將與天壤俱永而竊有慨焉者民日瘠矣名雖沃土未善也歌詠唐風朴儉質淳固克安貧而無佚志戶口縮於舊版膏力竭於繭絲休息煦養有望於今之君子者匪朝伊夕矣夫志

之最古者晉乘與魯春秋並垂一統志山西通志皆不啻格入元龜云予所知者安邑曹先生之志以六官分隸條目臚然藝文則首岐嶷超越諸子信名裁也今之曲沃將不讓於安邑予得快讀之且附以不朽時予爲陝西通志會且成書又贅之曰集往古而示來茲固薦紳之事哉然上之關乎

朝廷下之關乎風教安在邑志不可與

國史並也茲役也可謂知本矣

四修沃史序

康熙五年丙午

太原司馬張奇勛

沃奧區也溯自太行而西地勢盤礴石田綿亘二百里許至此而地始衍曠紫橋爲屏歸然表之而沃居其抱潞汾之環潞如帶蒼玉之瀑布如練川嶽之氣獨於沃乎是鍾故其人文嶽嶽歷代稱文獻邦語曰沃土之人息其士矜而秀民樸橄而好禮猶陶唐氏旬服遺風至其戶口之殷繁土宜之碩

新修曲沃縣志

舊序

六

且滋不煩縷悉而地當秦晉之衝又居然河東一巖邑哉予於丙午春適以邑令乏人求代爲庖者曠觀山川之勝槩仰止乎文物之蔚勃爰取成志而吁之見其自戊辰以至我清定鼎以來闕焉未續於戲邑之土風沿革代各有紀其官師文物崛起

與朝者炳炳麟麟而巖邑之乘不備曷以充計吏之責而應輶軒者之採風古者列國陳詩太史掌之昭勸誠表善長大者刻於國書厥詳與細復綜之各郡邑故邑志所謂閭史也蓋與國史並重云然難言之史以誌昭昭信備則徵徵則信信則傳必有一代之偉人斯能謀百世之大業修舉未易易耳而沃之乘終不可闕焉適范憲使監郡河東因而揚扞盛典且重以師相之表率中丞之推誠進邑之紳士而商榷之迺延國老衛公君澤許公霍東山其才與識訂續舊編學博王君肖舜董其役以名世立言自成不朽盛事不徒爲方輿之

紀辭必信今而傳後振雅釐浮勒成盛典豈曰琬琰於一時乃史成而請序於予予曰於戲沃固奧區也踞河東上游其人文蔚起嶽嶽猶昔而蒙侯輪蹄吏疲奔命民困無毛採風者不無時勢異殊之感予以篋中迂儒代庖六月藉諸君後可幸無過今樂觀其成而文獻足徵矣沃之幸也理筆諸公之力予何力之有

五修沃史序

康熙七年戊申

邑侯周鉞甫

曲沃之志創於嘉靖恩縣之劉成於萬厯杞縣之趙至我皇清康熙丙午署沃今衡陽太守張公銳然邑乘按圖考狀徵故采謠其經鄉先生之耳目士大夫之口吻者業核其詳無亥豕魯魚之訛也凡土疆之分合山川之流峙道路之通達風俗之隆替物產之登耗邑里之興廢賢科人物宦跡官師靡不包括無遺而復以雲漢昭回之章冠焉咫尺之編識大舉細彰往古而揭來今厥功金石與並矣余不敏承乏椒聊之

新修曲沃縣志

舊序

七

墟夙夜在公拮据民事於鉛槧文獻懼蕪不逮溪刻徒勞不敢作拈毫想茲沃邑之老成具瞻裁衡鉅典則大師相大司馬謂志之藝文一卷所以彰符采也而文多挂漏即靈光一碑讀之輝光四映者竟置不錄屬余以校搜之役因不敢避炎暑尋巖岫之迹求鄴架之藏兩旬而殺青乃竟剗剗將竣唯舊史內自唐宋金元明之有目無文者間爲補足其國朝諸家詩文咸已鐫石而藝文則差有可觀刻有成本因升數語以志其勤云

五修沃史序

康熙七年戊申

縣元進士衛周祚

嘗聞作史有三長曰才學識修志亦有三長曰正虛公何謂正表端始可取影繩直始可裁木有廉潔平直之望一受事咸心傾焉然後可以惟吾抑揚而人不譁何謂虛衷必成於衆腋治必集於碎礦匹夫匹婦之口有確案焉谷虛則響應器虛則受多自是非人先正戒之矣何謂公平衡不簡軒輊

止水不作妍媸惟物有分惟人有質墜淵加膝使人眩於名
實罔知所守則孰是簡斥之不言怨榮錄之不言德者有此
三畏而又有才學識濟之然後可握生花五色管了於心而
指諸掌沃之爲邑其地則春秋之新城其事則毛詩司馬遷
班固類能言之而其義則在創志修志與續志者觀感而起
各喻所懷來而生於其心發於其事攷於其故傳於其後耳
余官國史日兢兢於史事之難吾邑周侯治沃有特操有異
政余欣慕者久茲且以丁未戊申兩年事關民社及節孝秀
耆類足之丙午年後賞其成帙來示靜氣讀之見其於紀之
二表之七攷之八述之三與夫二志五傳罔不訂訛正誤心
細於髮獨殫厥心於藝文一志患其志之錄詩而遺文也維
時賈司馬公趨

朝過里侯不憚炎暑趨而就正集紳衿於泮宮雖有人代遠遠
精爽闕湮躡尋亡其端委毫素失其標紀極意采搜得唐王

新修曲沃縣志

舊序

入

勃靈光寺碑及宋金元明古文綴原志文目之下而以
國朝諸文列其中焉猗歟侯之意良美且大矣臨淄侯曰文章
經國大業不朽盛事旨哉斯言堪起作者侯之導沃人士游
泳

國家同文之化家絃歌而戶詞賦更授簡勸督寧質勿緇寧經
勿諧寧簡勿蔓寧澹勿支寧黜其臆測而遵蕩蕩平平之路
非所謂正虛公而濟以才學識曷克臻此今而後人文彬彬
山川生色藉有侯之全史矣

舊志潘序

康熙四十五年丙戌

邑侯潘

錦崇安

曲沃舊志五卷明嘉靖間縣令劉公魯生所修也萬歷間知
縣趙公彥復增爲二十六卷名曰沃史

本朝攝縣事太原司馬大梁張君奇勛因沃史舊文重加編輯爲
二十五卷前令莆田周公鉞別綴藝文若干首書始出或病
其言不雅馴詮次紕繆有志者每欲起而正之余嘗讀是編

目愧見聞謝劣不能窺作者旨趣然於標目頗竊疑之蓋古
者諸侯各以其年紀元故列國有史如齊之有南史晉之有
董狐是也自封建改爲郡縣禮樂法度一稟章程無敢私議
於室卽裨官野史同於齊諧君子猶或非之況一邑之紀載
儼然自命爲史乎故嘗過不自料輒與邑中同志取曩時舊
志別爲義例增損彙括闕者補之繁者約之平心商榷一衷
諸道名曰曲沃縣志蓋所以繼前賢未竟之志竊附於張周
二君子纂輯之末非敢爲作也後之君子本是編而參考互
訂別展心裁勒爲一書光諸國門予又竊有望焉

新修曲沃縣志

舊序

九

新修曲沃縣志

總裁

晉江縣知縣劉德純

塔永寧

提督山西全省學政掌陝西道監察御史加二級紀錄三次

蔣元益

山西等處承宣布政使司布政使加六級紀錄三次

劉慥

山西等處提刑按察使司按察使加二級又軍功加一級

明山

出布政使司各處巡撫通判等職加二級紀錄三次

趙孫英

出布政使司各處巡撫通判等職加二級紀錄三次

喬光烈

出布政使司各處巡撫通判等職加二級紀錄三次

五諾璽

護理河東兵備道印務蒲州府知府加二級

周景柱

新修曲沃縣志

職名

一

山西平陽府知府紀錄三次

秦勇均

山西平陽府水利同知

李士适

山西平陽府督糧通判軍功加一級

陳鐸

纂修

山西平陽府曲沃縣知縣紀錄八次又軍功加一級紀錄三次

張坊

收掌

山西平陽府曲沃縣教諭

馮仁

山西平陽府曲沃縣訓導

杜坤

監造

山西平陽府曲沃縣典史

王正

編輯

浙江山陰縣庚午科舉人胡元琢

襄陵縣癸酉科舉人徐儲

分修

邑己未科進士湖南新寧縣知縣劉樸

邑庚辰科進士薛廷魁

邑己卯科舉人李宗鄴

邑己卯科舉人蘇惠民

邑丙子科副榜張肅

邑監生許國宗

邑庠生李又絳

採訪八十二人

新修曲沃縣志

職名

二

手舉人張宗額

己卯郭仁蘭

歲貢王汝阜

貢生王振聲

貢生李聯登

優生張希良

廩生段燦

廩生許蒼植

廩生賈曰瑛

監生張松齡

監生衛尹東

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

辛酉舉人

生員 杜世昌	生員 衛令東	生員 傅友慶	生員 樊體仁
生員 徐臨海	生員 孔元清	生員 董雲程	生員 李則思
生員 楊清	生員 趙文煥	生員 董懿德	生員 張翼翀
生員 支森林	生員 王洪儒	生員 李頊	生員 賈百乘
生員 王炯	生員 行守敬	生員 靳克顯	生員 常上吉
生員 衛子東	生員 秦澍	生員 祁喬遷	生員 馬統乾
生員 李茂桎	生員 常安	生員 李唐玖	生員 李又綱
兼理經費 蕭長 賈名世	蕭長 靳价	蕭長 李若浩	蕭長 李健
蕭長 原正康	蕭長 李倣訥	蕭長 李德馨	
生員 衛勛	生員 因必詠	生員 韓慕琦	生員 文塾
千總 劉惠遠	生員 秦溥		
新修曲沃縣志	職名	三	
校閱			
生員 閻廷玠	歲貢 王恪	生員 靳孝友	生員 衛生洲
生員 郭錦	生員 衛儒麟	生員 李祖望	生員 因德崇
生員 王首乾	生員 王再陵	生員 傅澤長	生員 李君揆
生員 仇賦萃	生員 因宗韓	生員 王文燦	生員 衛同旦
生員 蘇應選	監生 高千仞	監生 衛齊旦	
搜羅			
生員 寬純	道會司 劉陽顯	陰陽 李丕昌	訓科 郭峽
辦事吏			
吏 亢	錦禮 勾廷楷	李振聲	樊中木
書 解聲	戶柴 菁	李本唐	王鳴謙
州吏			

凡例二十條

一 曲沃非他志比也經史煌煌典據鑿鑿未敢因仍舊說荒悖貽譏雖舊序原文相沿必刪正並登之固不存其瑕亦不掩其美

一 舊志凡三十卷今新增入圖考坊表寺觀倉儲武備封爵封廕名宦藝術藝文下十卷共成四十卷搜羅皆本左國史漢卷帙視昔加詳蓋備一邑典故以供將來統志通志之採擇云

一 圖考舊止十一今增其六八景之外又增益二景字義調叶允諧風雅各景釋義附見形勝其沿革水利繪圖備列本卷

一 沿革自漢儒誤註曲沃之名訛歸聞喜致二李互辨府志並存訖無定考今一本經傳詳加訂正繪圖質書有識者自能辨之

一 舊志山川皆失其傳今山為考出太行絳山東陘峨嵋川則汾滄天井載籍昭然千年若揭其舊署紫金大夫合水鼓堆鄙俚不堪概行刪去

一 學校為興賢育才地諸生習禮氓庶觀型一切名物器數弗可

新修曲沃縣志

凡例

畧也用是詳著於篇並附入歷代鄉學規制以備觀覽

一 曲沃新田久昧其處舊志影響游移今原本經傳沃國新絳確有其地因地考古古蹟祠墓指出實多毫無疑義其盈村庭城桐鄉王官城築昌縣故鄆城等蹟皆屬臆說訛傳概不濫登

一 陵墓自成侯徙曲沃桓叔封沃國景公遷新田五侯三伯十三公春秋書卒書葬豈無其地舊志祇載東北有八東南有九今奉清查得古塚一百有四俱在沃境名稱各殊詳音可辨晉國諸公諸公子卿大夫千年魂魄乃一發其抑鬱之氣故備書之

一 水利惟溫泉為加詳蓋唐宋以來有溫泉注泮水三分載在劉志自明嘉靖地震橋梁湮廢迄今二百歲矣予為遵志復古引水入池以澤芹藻爰備列顛末俾後之君子有考據焉

一 郵政自前明洪武間以二驛移曲沃官疲民困幾四百年乾隆二十二年欣逢我

皇上聖明平役節勞准 明大中丞之奏仍以蒙城還之太平勞逸

適均毫無偏私其稟請摺奏詳記於篇

一武備舊志缺如邑在春秋為霸國自成師封曲沃戰爭無虛日秦漢而降兵燹頻仍史冊可考也核而登之亦以見遭逢

盛世共享太平之福云

一舊志列申生於人物通府志因之左傳曲沃吾之宗宗國無主則民不威使申生鎮撫之夫宦茲土者猶得表見官師豈有十年坐鎮遺愛遍於新城顧與鄉大夫及土著人士並列者乎故上自臺駘中列五侯三伯十三公下及漢唐凡有可紀者為立封爵志以別之

一封廕大典也舊志附貢舉之後今特抽出別為一卷以昭體制一名宦人物俱仿史家列傳人物分六傳從其優者亦史體也凡涉疑似二志未敢濫收如晉國不乏名賢非繫五侯三伯十三公者寧讓鄰封不入沃乘其列入者一官一人不能移掇他志一志以紀美有善則書顧人情變幻蓋棺乃可論定今於人物列

新修曲沃縣志

凡例

二

女流寓藝術諸卷現在者概不列傳惟載二郭氏以識大體也一前列女志但載某氏某妻不注里居使子孫無考故舊志有現在守節五十七人今只考出三十人俱為補傳餘俱無知者故今必加詳載以闡幽光亦以見沃邑之多苦節焉

一前流寓志只載四人夫名人經過山川草木皆若與有榮施矧當年名卿公子來聘賢人詞客至止詎可不列入志以光邑乘一鄉飲酒禮為引年大典舊止列鄉耆而大賓介賓不與焉今皆查補並考儀節律圖式詳列於前總以鄉飲名卷其義較備一修志即所以教士也故藝文上列經史下載詩賦分類別體以明之然後來著作美不勝收必有合於沃之景沃之人沃之事物及贈答諸公之有品望者方為載入經傳左國而下難乎其為選矣刪但就雅益欲規成全璧非敢以點竄塗改冒突前人一志餘雖涉語怪然理之所無事所或有採而記之亦諸乘之所不遺也故上本左史子集下及志乘紀述以收一縣之古典云

新修曲沃縣志目錄

卷之一

星野

卷之二

圖考

卷之三

沿革

卷之四

疆域

卷之五

形勝

卷之六

山川

卷之七

新修曲沃縣志

目錄

城池

卷之八

公署

卷之九

學校

卷之十

壇壝

卷之十一

祠廟

卷之十二

坊表

卷之十三

古蹟

卷之十四

陵墓

卷之十五

寺觀

卷之十六

關隘附橋梁

卷之十七

戶口附徵徭例

卷之十八

田賦

卷之十九

水利

卷之二十

倉儲

卷之二十一

新修曲沃縣志

目錄

郵政附舖遞

卷之二十二

武備

卷之二十三

風俗

卷之二十四

方產

卷之二十五

封爵

卷之二十六

職官

卷之二十七

師儒

卷之二十八

二

貢舉

卷之二十九

封廕

卷之三十

名宦

卷之三十一

人物

孝友 忠烈 儒林 文苑 隱逸 卓行

卷之三十二

鄉飲

卷之三十三

列女

賢淑 貞烈 節孝 附見在守節

卷之三十四

流寓

卷之三十五

新修曲沃縣志

目錄

藝術

卷之三十六

仙釋

卷之三十七

祥異

卷之三十八

藝文上

卷之三十九

藝文下

卷之四十

志餘

三

知縣 張 坊 纂輯

星野


三垣列二十八宿。宿之分野甚廣。必拘其躔度天舍。定位在某州某邑焉。則保章氏天官書。當不若是其鑿。天文家言。平陽當西方之七宿。主參井。漢地理志云。魏地蜚觸參。其分野也。其界自高陵以東。盡河東河內。諸書皆稱平陽。當蜚參之次。而左國載董因國僑。則獨以參主晉。夫參爲忠良孝謹之子。明大則臣忠子孝。人產乎地。地應乎天。由來已久。況士莊子文伯。當悼平時。世習天文。其占君國兵歲。無不響應。前賢之考驗。亦何其精當無差忒耶。今彙採諸家說。并沃乘志

星野

新修曲沃縣志

卷一 星野

黃宿圖



丹元子步天歌

三星相近作參榮。觜上坐旗直指天。尊卑之位九相連。司怪曲立坐旗邊。四躔大近井鉞前。

占候

觜。一度在參之右角。如鼎足形。主天之關。明大則天下安。五穀熟。隋志云。觜觸爲三軍之候。行軍之藏府。主葆旅收斂萬物。明則軍儲盈將得勢。動而明。葆旅起。張衡云。葆旅。野生之可食者。坐旗九星。在司怪西北。主別君臣尊卑之位。明則國有禮。司怪四星。在井鉞前。候天地日月星辰禽獸蟲蛇草木之變。與天高占同。

新修曲沃縣志

卷一 星野

躔度

宋兩朝天文志。觜三星。距西南星去極八十二度半。○坐旗九星。距南星去極六十一度半。入參宿八度。○司怪四星。距西星去極七十一度。入參宿六度半。

漢志。歲星六月出石氏。在觜觸參。

唐志。觜二度。上黨次居下流。與趙魏接。爲觜觸之分。

唐志。舊經。觜觸八十四度。開元測。觜觸八十二度。

宋志。觜觸。漢永元銅儀。唐開元游儀。皆以觜觸爲三度。舊去

極八十四度。景祐測驗。觜宿三星一度。距西南星去極八十四度。在赤道內七度。

宋律歷志赤道宿度觜一度黃道宿度觜一度

金志赤道宿度觜半度黃道宿度觜半度

元歷志赤道宿度觜初五黃道宿度觜初五

明天文志赤道宿度觜一十一度二十四分黃道宿度觜一十一度三十三分

步天歌坐旗可怪俱屬觜宿武密書及乾象新書皆屬於參漢洛下閎測觜二度唐一行測觜一度宋皇祐測觜二度元豐測觜二度崇寧測觜半度元郭守敬測觜五分

李淳風法象志觜觿參伐皆直天關表而在河陰故實沈下

新修曲沃縣志


卷一 星野

三

流得大梁距河稍遠涉陰亦深

洛書甄耀度西方白虎而觜參爲虎首故有觜之義

參宿圖



新修曲沃縣志

卷一 星野

14

丹元子步天歌

總有七星觜相侵兩肩雙足三爲心伐有三星足裏深玉井四星右足陰屏星兩肩井南襟軍井四星屏上吟左足下四天厠臨厠下一物天屎沉

占候

參十度上爲五星日月中道甘氏曰參爲忠良孝謹之子明大則臣忠子孝安吉一日參伐一日大辰一日天市一日欽鉞又爲天獄又主權衡所以平理也又主邊城爲九譯故不欲其動也參白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰

右足主偏將軍。故黃帝占參應七將。中央三小星曰伐。天之都尉也。又曰。七將皆明。天下兵精也。玉井四星在參西右下。水象也。屏二星在玉井南。屏為屏風。玉井東西四星曰軍井。行軍之井也。軍井未達。將不言渴。名取此也。又曰。主軍營之事。天廁四星在屏東。溺也。天屎一星在廁南。色黃則吉。

躔度

宋兩朝天文志。參十星。距中星西第一星去極九十二度半。○玉井四星。距西北星去極九十八度。少入畢宿十一度半。○天屏二星。距南星去極一百一十五度。入畢宿十三度半。○軍井四星。距西南星去極一百一十五度半。入畢宿十四度半。

新修曲沃縣志

卷一 星野

五

天廁四星。距西北星去極一百一十八度半。入參宿二度。○屎一星。去極一百一十五度。入參宿三度半。

漢天文志。晉之疆。候辰星占參伐。漢志歲星四月出太初。

在參伐。歲星六月出甘氏。在參伐。

漢五行志。劉歆言。傳曰。時有毛蟲之孽。參虎星。故為毛蟲。

唐志參九度。

唐志舊經參九十四度。開元測參九十三度。

宋志參宿。漢永元銅儀參八度。舊去極九十四度。景祐測驗。

參宿十星十度。右足入畢十三度。

宋律歷志。赤道宿度。參十度。黃道宿度。參九度。

金志赤道宿度。參十度半。黃道宿度。參九度太。

元歷志。赤道宿度。參十一度。黃道宿度。參十二十八。

明天文志。赤道宿度。參二十四分。黃道宿度。參一度二十一分。

步天歌。玉井。軍井。廁。各四星。屏二星。天屎一星。俱屬參宿。晉

志。玉井在參左足。武密書。屬觜。乾象新書。屬畢。軍井。晉志

在玉井南。武密亦屬觜。乾象新書亦屬畢。唐開元游儀在

玉井東南。屏。廁。天屎。晉志皆不載。隋志。屏在玉井南。開元

新修曲沃縣志

卷一 星野

六

漢洛下閎測參九度。唐一行測參十度。宋皇祐測參九

度。元豐測參九度。崇寧測參十度半。元郭守敬測參

十一度一十分。

左傳子產曰。昔高辛氏有二子。伯曰閼伯。季曰實沈。不相能

也。后帝不臧。遷閼伯於商丘。主辰。遷實沈於大夏。主參。武

王邑姜。方娠大叔。夢帝謂己。余命而子曰虞。將與之唐。屬

諸參。而蕃育其子孫。及生。有文在其手。曰虞。遂以命之。及

成。王滅唐。而封大叔焉。故參為晉星。

國語董因對晉文公曰。實沈之墟。晉人是居。所以興也。

史記天官書曰。參為白虎三星。直者是為衡石。下有三星。銳

日伐爲斬艾事。其外四星左右肩股也。小三星隅置曰觜。觜爲虎首。主葆旅事。註曰。觜三星。參三星。外四星爲實沈。於辰在申。魏之分野。

〔西漢地理志〕觜觿魏之分野。餘同史記。

〔後漢郡國志〕註自畢十二度至東井十五度。實沈之次。於辰在申。謂之涿灘。於律爲仲呂。斗建在巳。今晉魏分野。

〔律歷志〕註自畢六度至井十度。謂實沈之次。晉之分野。

淮南子西南方曰朱天。其星觜觿參東井。注觜觿實沈。晉之分野。

〔晉書天文志〕自畢十二度至東井十五度。爲實沈。於辰在申。

新修曲沃縣志 卷一 星野

七

魏之分野。

〔魏書天象志〕參。魏分野。

〔唐書天文志〕觜觿參伐。實沈也。初畢十度。餘八百四十一秒。

四之一。中參七度。終東井十一度。得漢之河東。古晉魏地。

〔宋史天文志〕天市垣東蕃第七星曰魏。西蕃第九星曰晉。地。

理志。河東當觜參之分。

〔明史天文志〕恒星循黃道右旋緯度。無古今之異。而赤道經緯。則歲歲不同。然亦有黃赤俱差。甚至前後易次者。如觜宿距星。唐測在參前三度。元測在參前五分。今測已侵入參宿。故舊法先觜後參。今不得不先參後觜。不可強也。又

有古多今少者。觜宿中之座旗九星。今纔五也。

〔寰宇志〕平陽。觜參之次。

〔圖書編〕平陽。觜參分野。

〔明一統志〕禹貢冀州之域。天文觜參分野。

〔明列郡分野〕平陽府。古冀州。觜參分野。

〔明志〕觜參。實沈之次。於辰在申。

〔大清一統志〕云。天文觜參分野。實沈之次。

〔容齋洪氏隨筆〕曰。晉天文志。謂自畢至東井爲實沈。於辰在申。魏之分野。屬益州。且魏分晉地。得河內河東。於益州了

不相干。謬亂如此。而出於李淳風之手。豈非蔽於天而不

新修曲沃縣志 卷一 星野

八

知地乎。

星之爲言精也。書云。庶民惟星。故在野象物。在朝象官。在人象神。春秋感精符曰。黃翼精。舜斗精。禹參精。湯虛精。尹文子曰。微子牽牛。顏淵中白。老子火。余不敢知。而周禮云。天星皆有州國分野。史記天官書注曰。觜三星。參三星。外四星爲實沈。於辰在申。魏之分野。晉地理志。河東當觜參之分。沃之在晉。太倉中穉米耳。然則參其分野乎。或曰。人道邇。天道遠。禪竈子韋。固彼中當行者。猶有驗有不驗。子非替史焉。知天道余曰。唯唯否否。天地之氣。精稜相感。禹鑄九鼎。天乎何與。而太白見。氐房不照。似未開地脉。而王俊明以占王氣。由斯以諱。星之有分野。信然而人道天道果不可遠邇岐也。宋景一發善言。而榮惑退舍。回天顧不以人哉。余因述歷代天官家言。而作星野說。知無越步復原序。